

臺灣客家語

現代詩學生組第二名



佢个生活，佢个詩（四縣腔）

盡重要个細事

逐日寫一首詩係盡重要个細事

思想凝結語言个鑽石

輻射五彩个色目

好奇个目珠當摸得著个光

秋天个風

起風个時節

日頭同樹葉紡織一條條光个絲線

像溫柔个，燒軟个手

掌等佢个面頰，佢个頭那毛

像你个低言細語

輕輕个、癢癢个

在佢耳公脣講話

蹶山

佢係佢，緊蹶緊高个佢

佢毋係佢，緊高緊細个佢

逐擺蹶山，總係毋記得自家

企在棟頂，俯瞰大地，妄想生成一頭樹仔

千百山頭，全在腳下，恁想變成一隻鳥仔

風塵恁重，世界恁輕，煩惱恁高，快樂恁低

係有一隻飛行遮，佢愛跣等佢
順勢溜到天邊四海，無愛回頭……

阿妹轉來了

幹過禾埕，躡過門檻，撐開門背吊掛个心
電火點著，窗簾掀開，大腳細腳飄起來接
等了歸暗晡，就係愛講這句話
等了歸暗晡，就係愛聽這句話
「阿妹——轉來了！」

上弦月个笑

入冬了，寒風吹過身
心肚个思念像夜恁深
頭那臥臥，看等烏暗个天空
當久無看著个上弦月
脣角 2 粒星仔乜來鬥鬧熱
緊瞞緊瞞，像在對佢打眼拐
該央時，佢看著世界上盡無價个
該就係你个微笑

龜兔走相逐

兔仔癢了，大樹下睡忒了
龜仔煞煞仔行，偷偷撞撞
幹過兔仔肩頭个夢
兔仔輸了，目澀澀仔在該噉
龜仔贏了，目精精仔在該笑

歇睏本來係為著行遠遠个路
一時个輸贏敢愛計較

跔等阿姆洗衫褲

跔等搓，跔等揉，跔等阿姆洗衫褲
洗淨阿爸帶泥團个做事衫
洗淨自家烏疏疏个花布裙
洗淨老弟臭汗酸个牛仔褲
企等、跔等、汗水滴滴落
茶籬波打濕目珠仁
硬水浸紅巴掌嫵
細細个手髒，撚燥貴貴个衫褲
細細个心肝，晾等輕輕个幸福
洗淨一領，換屋下人亮線个心情
洗淨一領，換屋下人
姜娣娣仔个一日

作者感言

很高興初試啼聲的我們就有不錯的成績，這是個開始，對我們來說，是個肯定的開始。肯定嘗試、肯定創作、肯定自己。一朵朵肯定的雲，排成柔軟的情。能用客語思維寫一首詩，寫出我們的心情，洩出客家的人情，這是我們的榮幸。

相信這次是個很好的開場白，開啟這扇大門，我們真正感受到的不只是得獎的喜悅，還有與客家越來越近的心情！

最後要謝謝鼓勵我們參加比賽的同學，是她為我們找到嶄露頭角的平台，還有共同創作的好伙伴。

鄭玉華、李庭慧、黃文斌、張伊珊

國立中央大學 客家語文研究所 碩士班

